



NUUSBRIEF 34 VAN 2012

UIT DIE HOOF SE PEN

ONS DROOM GROOT MET AKSIE!

Ons is tans druk besig met die beplanning vir volgende jaar. Ons sal u binnekort inlig rondom die beplanning en veranderinge rakende die nuwe KABV (Kurrikulum en Assesseringsbeleidverklaring) wat in 2013 implementeer word waar die kontaktyd vermeerder van 6h30 minute na 7h30 minute en die vakke (leerareaas) verminder na 6. Dit stel weer nuwe uitdagings, maar ons glo dit sal tot voordeel van kwaliteit onderrig wees.

Ons wil u ook herinner aan ons Nominasievergadering vir die Beheerliggaamverkiesing Donderdag, 15 November.

Na die nominasievergadering, wat om 19:15 begin, sal daar 'n jaarlikse ouervergadering plaasvind in die skoolsaal waar die jaarverslag bespreek sal word.

DAGBOEK / SPORT

MAANDAG, 12 NOVEMBER	EKSAMEN BEGIN
DINSDAG, 13 NOVEMBER	BRING HERWINNING SKOOL TOE
DONDERDAG, 15 NOVEMBER	18:30 NOMINASIEVERGADERING VIR BHL-VERKIESING 19:15 JAARLIKSE OUERVERGADERING
SATERDAG, 17 NOVEMBER	LOCHIES-BRING-JOU-HOND-DAG

GRONDSLAGFASE

Baie dankie aan al die ouers en maats wat die Vlieërdag bygewoon het. Dit was beslis 'n dag waaroor almal nog lank gaan gesels.

Volgens Marli Swanepoel (joernalis) is daar 5 dinge wat alle gelukkige kinders gemeen het:

Hulle ontvang liefde. Liefde mag dalk 'n vae term wees, maar dit is 'n baie belangrike woord: Dit is daardie onbreekbare band wat julle van hul geboorte vir ewig bind.

Hulle word konsekwent behandel. Kinders moet presies weet waar hulle staan. Hulle moet ook weet dat die reëls wat vandag geld, mōre ook gaan geld.

Hulle ontvang 'n goeie voorbeeld. Kinders se gedrag word bepaal deur die voorbeeld wat daar vir hulle gestel word.

Hulle het selfvertroue. Ouers wat selfversekerd en positief is, maak hulle kinders ook selfversekerd en positief groot.

Hulle het pret. Kinders moet voel dat dit vir hul ouers lekker is om kinders te hê. Sommige ouers neem ouerskap so ernstig op dat hulle van die pret vergeet.

Dit is beslis iets waarmee ons onsself kan evalueer.

Etiket: Praat altyd die waarheid.

SENIOR EN INTERMEDIËRE FASE



Sterkte aan al ons leerders met die eksamen wat vandag begin. Maak asb. seker dat u kind elke dag die boeke bring vir die vak wat op daardie betrokke dag geskryf word asook vir die volgende dag se vak aangesien daar heelwat tyd ingeruim word vir voorbereiding. Hulle moet ook die regte skryf-behoeftes skool toe bring – geen kind mag by 'n anderleen tydens die eksamen nie. **NEEM ASB. KENNIS DAT DIE SKOOL GEWONE TYD GEDURENDE DIE EKSAMEN SLUIT.** Die skool se akademiese program word afgesluit op Donderdag 22 November. U sal ook mettertyd inligting ontvang rakende die handboeke vir volgende jaar.

HUISWERKBOEK 2012

Ons gaan aan elke gr.3 tot gr.7-leerder 'n huiswerkboek voorsien wat hulle moet gebruik vir huiswerk. Ons vra ouers dus om nie ander huiswerkboeke te koop nie.



OPEIS VAN VERLORE KLERE

In die moeilike ekonomiese tye wil dit tog lyk of ons kinders nie besef hoe duur skoolklere is nie. Dit is te oordeel aan die **groot aantal verlore klere/goedere** wat inge-handig word of wat net weggraak. Ons versoek asb. dat u **al u kinders se besittings** baie duidelik merk. Leer hom/haar om presies te wees op hierdie duur artikels en dubbeld seker te maak dat alles ingepak is. Indien u iets verloor, kom kyk asb. by ons verlore goedere-kamer". **Neem asb. kennis dat indien die verlore klere nie teen Maandag, 26 November opgeëis is nie, die klerebank weer 'n "R20-uitverkoping" van hierdie klere sal hou.** Die skool kan nie aanspreeklik gehou word vir enige verlore goedere nie. U samewerking sal opreg waardeer word.

SPORT

Alle buitemuurse aktiwiteite vir hierdie jaar is nou afgehandel. Ons wil graag alle spelers, ouers en veral afrigters bedank vir hulle toegewyde deelname, ondersteuning en afrigting.

Baie dankie aan die SOKKE vir hul bydrae. Jul bydrae het verseker dat daar geleenthede vir toekomstige sportsterre geskep is – baie dankie!

PRESTASIES

Francois Cilliers het die afgelope naweek WP in die 0/11 tennis verteenwoordig. WP het teen Boland en SWD gespeel. Francois het 5 van sy 6 wedstryde gewen en sy enkelspel wedstryde met 6-0; 6-0 teen SWD en 6-1; 6-2 teen Boland onderskeidelik gewen - baie geluk met jou prestasie.

Aangeheg sien prestasies van ons **OUD-LOCHIES** - ons is baie trots op hulle!

OORPLASING NA ANDER SKOLE

Indien u kind die skool aan die einde van die jaar verlaat, moet u asb. 'n skriftelike kennisname vir mev. Natasha van Nelson stuur waarop u die datum van laaste skoolbywoning aandui, sowel as waarheen u kind gaan. Die sertifikaat word uitgereik op die laaste dag van skoolbywoning.

Lochie-van-die-Week Gr 1-3

GR.1A ALRU GOUS

GR.1B RUBEN COETZER

GR.1C LANA DU PLOOY

GR.1D REGAN POTGIETER

GR.1E DIRK MEINTJIES

GR.2A SHANELLE SMITH

GR.2B Zoë GILLESPIE

GR.2C ZACH STEENKAMP

GR.2D CHRIS JURGENS

GR.3A EBEN SHEPHARD

GR.3B GILBERT LIEBENBERG

GR.3C HANLI HUISMAN

GR.3D DERIK NORJÉ

Lochie-van-die-Week Gr 4-7

GR.4 QUINN VISSER

MELISSA BOTHA

ADELLE HAUGHTON


GR.5 RUBEN LABUSCHAGNE

GR.6 HEIN VISAGIE

GR.7 GEEN LOCHIE-VAN-DIE-WEEK

ELNA SE BUSSIE

Ek bied vervoer vir u kinders van u huis na skole en terug in Gordonsbaai en Strand areas vanaf Januarie 2013. Skakel my gerus as u van my dienste wil gebruik maak en ek waarborg u gemoedsrus met die vervoer van u juweel/juwele.



ELNA SMIT - 082 924 9433



Kennisgewing van nominasie- en tussenverkiesingsvergadering

Tussenverkiesing van Ouers van Leerders van Laerskool Lochnerhof as Lede van die Skoolbeheerliggaam (SBL)

VERSKUIWING VAN TUSSENVERKIESING

Lochnerhof se SBL het regsmening ingewin oor watter ouers deel vorm van die SBL-verkiesing en daar is uitgewys dat alle Lochnerhofleerders van Graad R tot 7 se ouers die reg het om deel te neem aan die SBL-verkiesing. Dit beteken ook dat al hierdie ouers moet registreer om op die kiesersrol te kom.

Omdat Lochnerhof streef daarna om aan alle vereistes van die Skole Wet te voldoen, wil ons alle ouers 'n billike geleentheid gee om deel te neem aan die verkiesingsproses. Die SBL is dus verplig om die tussenverkiesingsproses wat van 29 tot 31 Oktober 2012 beplan was, te verskuif.

Die SBL vra verskoning vir die ongerief a.g.v. die verskuiwing en vertrou dat alle Lochnerhof-leerders van Graad R tot 7 se ouers sodende die geleentheid sal kry om op die SBL te dien en aan die nominasie en stemproses deel te neem.

Sien asb. onderstaande kennisgewing vir volledige detail oor die verkiesingsproses.

REGISTRASIE VAN OUERS: 29 OKTOBER 2012

Slegs ouers wie se name op die kiesersrol verskyn, sal toegelaat word om deel te neem aan die verkiesing. Registrasies vind plaas vanaf 29 Oktober 2012 tot 14 November 2012. Alle leerders van Gr R tot Gr 7 se ouers word vriendelik versoek om te bevestig dat hul name op die kieserslys, wat beskikbaar is by Laerskool Lochnerhof, verskyn. Indien u naam nie op die kiesersrol verskyn nie, sal daar 'n registrasievorm beskikbaar wees wat u kan voltooi om te registreer.

NOMINASIE VAN KANDITATE: 15 NOVEMBER 2012

Kennis geskied hiermee dat 'n vergadering vir die nominasie van kandidate vir die verkiesing van ouers as lede van die beheerliggaam vir bogenoemde skool, op 15 November 2012 om 18:30 by Laerskool Lochnerhof Skoolsaal plaasvind.

BEKENDSTELLING VAN KANDITATE: 19 NOVEMBER 2012

Ouers sal op 19 November 2012 per SMS in kennis gestel word van die genomineerde kandidate waarvoor gestem kan word. Agtergrondinligting en 'n foto van genomineerde kandidate sal per e-pos aangestuur word en sal ook ter insae in die voorportaal beskikbaar wees.

VERKIESING VAN SBL-LEDE: 20 NOVEMBER 2012

Die verkiesing vind plaas op 20 November 2012 vanaf 07:00 tot 19:00 by Laerskool Lochnerhof se voorportaal. Slegs ouers wie se name op die kiesersrol verskyn, sal toegelaat word om deel te neem aan die verkiesing.

Dit is belangrik om kennis te neem van die feit dat indien 'n kworum nie bereik is nie, die proses herhaal sal word en ons wil dit graag ten alle koste vermy. Wys ons dus asb. hoeveel u omgee vir u kind en skool deur deel te neem aan die verkiesing.

'n Kandidaat kan ook genomineer word deur 'n nominasievorm, behoorlik voltooi deur die voorsteller, sekondant en kandidaat, nie meer as sewe dae nie, en nie minder as 24 uur, voor die aanvang van bogenoemde vergadering by die kiesbeampte in te dien. Nominasies sal vir hierdie doel vanaf 8 November 2012 tot 13 November 2012 om 13:30 by die skool aanvaar word. Die Kiesbeampte sal ook nominasies by die nominasievergadering op 15 November 2012 aanvaar.

Indien meer kandidate genomineer word as die vyf lede wat verkies moet word, **sal daar tot stemming oorgegaan word gedurende die bogenoemde tye**.

**DIE VOLGENDE LEERDERS IS AS LEERDERLEIERS VIR 2013
AANGEWYS. BAIE GELUK – ONS WEET JUL SAL JUL UITSTEKEND VAN
JUL TAAK KWYT!**

“WARE LEIERS INSPIREER MENSE OM IN HULLESELF TE GLO”

MATTHEW CORDY	-	HOOFSEUN
HANNAH-LEE ERASMUS	-	HOOFMEISIE
NADENE PRINSLOO	-	ONDERHOOFLEIER - AKADEMIE
JENNA BLAKE	-	ONDERHOOFLEIER - KULTUUR
JUAN MOSTERT	-	ONDERHOOFLEIER - SPORT

JÉANDRI AGENBAG	FRANCO JONES
WILLEM BRAND	DANEL LAMBRECHTS
DOMINIQUE BRANDT	MIJEAN LUDEMAN
LINDI COETZEE	DC MARITZ
CARLA DE WET	TANIA NIEMANN
JANCA FOURIE	OREN RENOSTER
XANDER FRITZ	CHEREETH ROELOFSE
CORNÉ GERMISHUYS	DANIE THERON
CHRISTIAAN GOOSSEN	SASCKYA VILJOEN
CHRISTIAAN HUISMAN	CARLI VILJOEN
	ZANEL WARNER



LOCHIES-BRING-JOU-HOND-DAG

Saterdag, 17 November 2012

10:00 – 12:00



Baie pryse om te wen!

- 🐾 snaaksste aangetrek 🐾 mooiste aangetrek 🐾 oulike toertjies
- 🐾 gehoorsaamste hond 🐾 hindernisse 🐾 hondespeletjies
- 🐾 mooiste gesiggle 🐾 kortste/langste hond
- 🐾 mooiste hals- en leiband

